

## ԱՅԼ ԵՒ ԱՅԼՔ

ԲԱԳՈՒԻԻ ՀԸՑՈՑ ՄԱՐԴԱՍԽԻՐԱԿԱՆ ԸՆԿԵՐՈՒԹԵԱԸՆ ՆՈՐ  
ՏՈՒՆԸ:

Բագուի Հայոց Մարդասիրական ընկերութիւնը, Թոռմայ-  
եանների կտակած 30,000 ռուբլիով և պ. լ. Սերգէյեանցի  
նուիրած 10,000 ռուբլի դրամով քաղաքի նուիրած ընդարձակ  
գետնի վերայ, Ստանիսլաւեան փողոցում բլրի գլխին՝ կառու-  
ցել է մի փառաւոր բնակարան, որտեղից երևում է ամբողջ  
քաղաքն ու ծովը: Այդ բնակարանում աղքա-ոները ստանում  
են ձրի բնակարան, այդտեղ են զետեղուած ընկերութեան  
ձրի ճաշարանն ու աշխատանքի տունը իւր րոլոր բաժանմունք-  
ներով, այն է կօչկակարական, կազմարարական և այլն. ունի  
և յատուկ սենեակ երթներկ հիւանդների համար:

## ԿԵՍԱՐԻԱՑԻ ՀԱՅ ՄԻԶՆԱԿԱՐԴ ԴՊՐՈՑԸ

«Բիւզանդինական տեղեկանում ենք, որ Կեսարիայի ս.  
Կարապետ վանքում թեմի առաջնորդ Տ. Տրդատ եպիսկոպոս  
Պալեանի աշխատութեամբ բացուել է մի նոր միջնակարգ գի-  
շերօթիկ դպրոց նախկին ծխական դպրոցի փոխարէն: Նոր  
կրթարանը պէտք է ծառայէ Փոքր Ասիայի այդ բազմահայ կեդ-  
րոնի հայ բնակչութեան արժանաւոր ուսուցիչներ և հոգևորա-  
կաններ մատակարարելու: Այս ցանկալի հաստատութեան հա-  
մար արդէն կառուցուած է նոյն վանքին կից մի հոյակապ շինք  
դասարաններով, ննջարաններով, ուսուցչաց սենեակներով,  
գծագրատնով, դեղարանով, հիւրանոցով, սեղանատնով, խոհա-  
նոցով, մառանով, լուացարանով, ծառաների սենեակով և այլն,  
շրջապատուած ընդարձակ բակով և գեղեցիկ պարագնով: Գո-  
վելի է Տրդատ սրբազնի, ինչպէս նաև Կեսարիայի հայ ժողո-  
վրդի եռանդը, որոնց նուիրաբերութիւններով կառուցուել է  
այդ մեծածախ շինքը:»